



Inatsisartunut ilaasortaq Aslak W. Jensen, Siumut

Inatsisartut Suleriaasianni § 37, imm. 1 naapertorlugu sinerissat qanittuani qaleralinniarnermi akitsuut pillugu Naalakkersuisunut apeqqummut akissut

01-06-2021
Sagsnr.2021-10219

Postboks 1037
3900 Nuuk
Tlf. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Inatsisartut Suleriaasianni § 37, imm. 1 naapertorlugu sinerissap qanittuani qaleralinniarnermi akitsuutip peerniarlugu pilersaarut pillugu aamma akitsuut peerneqassappat qanoq kinguneqassanersoq Naalakkersuisunut apeqquusiisimavutit. Apeqquteqaammut akissutinnut innersuunneqarputit.

1. Naalakkersuisut sinerissap qanittuani qaleralinniarnermi akitsuut peerniarlugu neriorsuutertik piviusunngortinniartaat?

Akissuteqaat: Qaleralinnut akitsuut Kalaallit Nunaanni aalisarnermi pisarineqartut isumalluutit akitsuutaat pillugit Inatsisartut inatsisaannik toqqammaveqarpoq. Inatsit Inatsisartut 2017-imi ukiaanerani ataatsimiinneranni imm. 85-itut akuersissutigineqarpoq. Inatsisissatut siunnersuutip pingajussaaneerneqarnerani partiit tamarmik, partii ataaseq eqqaassanngikkaanni (Demokraatit) inatsisissatut siunnersuutip akuerineqarnissaanut akuersillutik taasippat. Inatsit kingorna teknikimut tunnganerusunik allannguuteqarpoq.

Ulloq 16. april 2021 Naalakkersuisooqatigiinnissamik isumaqatigiisummi, Naalakkersuisunik pilersitsinermi partiit peqataasut isumaqatigiisutigisimasaanni, inuussutissarsiornermi akitsuutit pioreersut ilaat, sinerissap qanittuani qaleralinniarnermut akitsuutit ilanngullugit, peerneqassasut allatorneqarsimanngilaq. Naalakkersuisut aningaasaqarnermut politiki pisortatigoortumik innuttaasunut tamanut aamma Inatsisartunut aningaasaqarnermut inatsimmut siunnersuutit, politikikkut aningaasaqarnermut nalunaarusiatut, periusissiatut il.il. saqqummiutissavaat. Taamaalilluni § 37-mut apeqqutip politikikkut annikitsukkaarsinnaasumik nassuiarnissaanut akissutissaa tunngavigisat avataanniippoq.

2. Sinerissap qanittuani qaleralinniarnermi akitsuut peerneqassappat qanoq nunatta karsianut aningaasatigut kinguneqassava?

Akissuteqaat: Taamaattoqassappat Nunatta karsiata sinerissap qanittuani qaleralinniarnermi akitsuutinit isertitassai ukiumut 16 mio. kr.-t annaassavai, ukiunut 2022-mut, 2023-mut aamma 2024-mut aningaasaqarnermut inatsimmi 2021-mi

isertitassanut missingersuutit takukkit. Taassuma saniatigut apeqquut 1-imut akissuteqaammut innersuussisoqarpoq.

Inussiarnersumik inuulluaqqusillunga


Aii Chemnitz Narup